



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XXXI. Epistola Theotimi Episcopi Scythiae Ad Leonem Imperatorem.
Domino piissimo, & Christianissimo imperatori nostro Leoni, Theotimus
humilis Scythiae regionis episcopus.

urn:nbn:de:hbz:466:1-14887

ANNO CHRISTI 451.
plectere iudicium, serenissime orthodoxe imperator. Taliiter namque sapuisse comperimus omnes qui verbo & doctrina, & vita mirabili, Deo per diuersa tempora plauerunt; id est, beatum Athanasium, qui saepius propriis fanciuit dogmatibus, quia erat in corpore passibili impassibilis, & in mortali immortalis. Sic & Basilius magnus, & Gregorius Nazianzenus, & alter Gregorius Nyssæ, & post Ioannes Constantinopolitanus, verborum simul & cogitationum pelagus benedictum. Scito siquidem nefandum Timotheum, & eos qui similia cum immensa tyrannide sapuerunt ac sapiunt, alienos a nobis factos ab orthodoxorum episcopatu. Bene autem & digne tuorum temporum, imperator egregie, si preces ab Ægyptiaco Concilio tibi datas rationabiles existentes, & omni approbatione dignas, tamquam orthodoxas suscipias, & alia cuncta tamquam satanæ opera, & cogitationes animas corruptentes effugias, solumque vobis sufficiat Calchedonense Concilium, cum solum omnia orthodoxorum antiqua Concilia in semetipso Spiritus sancti virtute constringat. Incolume semper consistens atque crescens vestrum imperium Dominus orbi terrarum longis dignetur feruare temporibus, imperator sacratissime.

XXXI.

EPISTOLA THEOTIMI EPISCOPI
SCYTHIÆ AD LEONEM IMPERATOREM.

Domino piissimo, & Christianissimo imperatori nostro Leoni, Theotimus humilis Scythiæ regionis episcopus.

DE CETERAM tuam pietatem, venerabilis imperator Auguste, ecclesiarum tranquillitate gaudere, & tribulationes populi conturbati & tempestates tranquillissimis vestris allocutionibus ad pacis iura transferre. Propterea si quidem vos Deus cælitus diuino nutu suo muniuit, ut ea quæ sana sunt, imperiali potestate integra semper saluaque custodiatis; quæ vero vexata sunt atque corrupta, vestræ pietatis medicina curetis. Nihil itaque Deo amabilius est, nihil acceptius, quam ut illa vos sapiatis, quæ a Dei Patris sapientia didicistis; & illa doceatis, quæ ab ipsis fidei vestræ incunabulis saluberrime estis eruditæ. Et

Concil. Tom. 9.

Pp

quoniam sacratissimis vestris syllabis admonuistis, vt quæ sapimus de sancto Calchedonenensi Concilio, nostris literis referamus ad vestræ notitiam pietatis; cognoscat vestra serenitas, quoniam nihil amplius, nihil minus, quam quæ in Calchedonenensi Concilio a sanctis patribus integre atque perfecte definita sunt, credimus, aut consentimus. Neque enim aliud nos ultra sapere, quam ea quæ tantorum patrū termino sanctus Spiritus erudituit. Vnde mansuetissime imperator, & ego, & omnis ecclesia Dei sic sapimus, & in consensu nostro sanctorum patrum definitio-nes fide & deuota confessione firmamus. De Timotheo vero sic sapimus: quoniam secundum virtutem precum, adhuc viuo existente episcopo, impudenti intentione ab excommunicatis est ordinatus, exordinatum & excōmu-nicatum ecclesiastica regula eum esse decernit: neque manus impositionem illorum episcoporum in sancta ecclesia permittit quamdam habere virtutem, qui Christi fidem violantes, ordinationem impositam sibimet amiserunt. Nunc igitur nostra confessionis verbū facientes saluberrimi- mis vestris auribus manifestum, depositimus Dominum nostrum Iesum Christū, vt vestrum imperium catholica fidei robore confortatum, & crucis virtute munitum, ab omni suspectione bellorum intactum semper custodire dignetur. Optamus vestram tranquillitatē diuina prouiden-tia semper in colum, & coronam imperii vestri inteme-ratam & impollutam multis annis nobis diuinitas donare dignetur, domine sacratissime & venerabilis imperator.

XXXII.

EPISTOLA EPISCOPORVM MOESIÆ
SECUNDÆ AD LEONEM IMPERATOREM.

Domino piissimo, victori, semper Augusto Leoni, Marcianus, Marcialis, Monophilus, Marcellus, Petrus & Dittas episcopi secundæ Mæsiæ.

TRANQVILLISSIME principum, desiderium habens pii propositi, verbum fidei quam tenes, tibi fieri mani-festum, sacris literis hoc a nostra humilitate fieri præcepi-tis, vt vobis aperte significaret de sancta & incomprehen-sibili deitate, quam humana lingua nec comprehendere,